

FICH ENFÒMASYON SOU PÈT OBITIF

Kisa pèt obitif ye?

Ka gen **pèt obitif** lè youn nan zòrèy yo pa fonksyone byen. Sa enplike pati deyò zòrèy la, pati mitan an, pati anndan nèt la ak nè yo. Ka gen pèt obitif nan youn oswa nan toulède zòrèy yo. Pèt obitif ka lakoz yon timoun gen pwoblèm langaj epi li ka gen difikilte pou li aprann. Li kapab lakoz genyen pwoblèm tou nan kapasite sosyal yo ak konpòtman l.



Siy ak Sentom yo

Ou kapab dekouvri ke pitit ou a gen pwoblèm pèt obitif lè yo fèt. Tout tibebe yo pase tès avan yo kite lopital la. Pèt obitif la ka rive oswa ou ka vin remake sa pandan y ap grandi. Siy ak sentom pèt obitif yo diferan pou chak timoun. Sa ka rive pitit ou gen pwoblèm obitif si li:

- Te pran tan avan l kòmanse ka pale pandan l timoun
- Pa pale klè
- Pa swiv enstriksyon (ou ka panse yo pa prete atansyon oswa yo jis inyore w)
- Li toujou ap di "Hein?"
- Monte volim televizyon an twò wo
- Pa gen okenn reyaksyon fas ak gwo bri
- Pa reyaji lè li tande vwa w
- Ap plenyen pou zòrèy fè mal, doulè nan zòrèy oswa bri nan tèt li

Tès Depistaj ak Dyagnostik

Yon **tès depistaj obitif** ka pèmèt ou konnen si pitit ou a ta gen pèt obitif. Yon tès depistaj obitif fasil e li pa fè mal. Dabitid li genyen ladan l son dou ke yo jwe nan kas. Y ap mande pitit ou a pou l leve men l chak fwa yo tande son an. Timoun yo ta dwe fè tès obitif yo avan yo kòmanse ale lekòl. Mennen pitit ou kay doktè si w panse li gen pèt obitif. Timoun ki pa t fè tès obitif la dwe pase yon egzamen obitif konplè pi bonè ke posib.

Yon **egzamen obitif konplè** se yon egzamen konplè ki fèt nan yon klinik pou zòrèy. Egzamen an ap ede detèmine si pèt obitif la ap pase oswa rete. L ap ede decide tou ki tretman ki pi bon pou ede pèt obitif pitit ou a.

Kisa ou ka fè?

Mande doktè pitit ou a pou li verifye kapasite obitif li si sa patko janm fèt. Li pi fasil pou timoun yo aprann ak grandi pi byen si yo pran swen pwoblèm obitif yo bonè. Pa rete tann!